

養疾疏未列名亦與謫閣部申報且請發留中奏本
庚申玉牒進成呈故事 太祖列四祖下成祖冠帶系世表
今首 太祖

上御文華殿受賀

刑科給事中楊東明上中州飢民圖說 上閱之命蠲賑尋
勅光祿寺丞鍾化民兼河南道御史賫十五萬金往賑仍發
漕粟十五萬石平糶

左都御史孫丕揚請寬御史奉差出京程限從之
辛酉御史黃一龍言宋應昌通倭之失倭不可封貢明甚而


應昌劉黃裳以為可彼狗沈惟敬柯斧之謀耶既格于輿議
不可收拾莫若委曲通貢暫救目前宜處應昌為人臣不忠
戒章下所司

工部請停江西陶器不允

詔有司奉旨蠲緩後仍徵派以墨論

壬戌先是禮科都給事中張貞觀亟請出閣儀奪俸給事中
黎道照言非所以為訓 上怒奪道照歲俸趙完璧等疏救
降貞觀

甲子發八萬金命光祿寺丞鍾化民兼河南道御史往賑河



南其山東江北分賑停徵

丙寅廣東雷州海康遂溪徐聞地震

庚午兵科給事中田大益言封貢事可虞報聞

己巳命河南撫按諭各道宣上德意散飢盜

辛未進王錫爵少傅吏部尚書建極殿大學士詹中書舍人

趙志臯少保戶部尚書張位太子太保各詹子入太學以玉

牒成

壬申巡撫雲南陳用賓報平緬犯蠻莫告急許發四川庫十
萬金同黔國公沐昌祚剿處

癸酉巡撫山西魏允貞請興宗學立宗約令長史教授擇齒

德者任之報可

洛川知縣趙家相貪虐殺人論戍

甲戌工部以災警請暫停新派綾紗紙札不許


丙子廣東瓊州瓊山地震

丁丑左都御史孫丕揚言民隱吏治五事責守令以寔兆民

之戶口責守令闢兆民之荒蕪責守令以供兆民之額賦

責守令以興兆民之禮讓責守令以備兆民之災歉命下部

院行之



謚晉府寧和王知美曰恭懿

戊寅禮部郎中何喬遠奏朝鮮陪臣金晬等泣言倭夷猖獗李如松勒朝鮮議和任倭殺慘六萬餘人倭語悖慢無禮沈惟敬通倭皆曰和親輒曰乞降悔罪漢人許儀被掠所寄書主事洪啟睿併進覽章下所司

安徽潁州作亂飢民沈邨知縣劉世光捕平之

三月己卯朔巡按河南御史陳登雲奏河南飢民食鴈糞併上鴈糞 上以示閣臣于是王錫爵請捐俸助賑 上褒答之時 皇貴妃鄭氏賑五千金又傳各官出助


丁亥兩宮出三萬三千金助賑河南

戊子播子楊應龍拒殺官兵命川貴協剿

己丑南工部右侍郎邊維垣為南戶部右侍郎兼右僉都御史提督糧儲右通政李盛春為右僉都御史巡撫保定提督紫荆等關

庚寅閣臣以陳于陞脩史條上事宜請勅開館設官聚書分任責成旨下禮部

癸巳初令經略顧養謙送倭使小西飛入朝議羈留之禮部謂會同館非羈所又未可以屬夷特宜在廣寧命兵部擇焉



夜月食

甲午南光祿卿傅作雨為南太僕卿

乙未禦倭經略兵部右侍郎宋應昌罷

設遷曰宋經略首啟戎行任過其量雖斗筭之才會有天
幸平壤之復厥功不細其後小有利鈍牽于瞽說介使日
勤善作者不必善成誠哉是言也彼島夷無大志先棄王
京歸我屬國王師重甲得以漸解然春秋不貴要盟彼委
其屣我拾其遺堂正之師救焚拯溺終憤于沈惟敬
之封貢而發縱指視者誰也嗟乎李將軍敢戰凱聞海外

碧蹄後血不試刃或經略肘掣之耶

丙申工科右給事中張濤刑科給事中葉繼美等各言東封
之誤

丁酉太僕卿錢藻為南光祿卿

辛丑折安徽田租

壬寅御史林培言叅政余學曾前任新化縣立義倉宜倣之
秋稔則斂時亟則散行之十年民自家給 上議行之


肅州衛地震

兵科都給事中吳文梓請置倭將小西飛于朝陽門外俟議

國權

萬曆二十二年

八



定毋輒造京師戶科右給事中盧明誅追論李如松罪 上
不聽摠督顧養謙言許貢之利文粹駁之

癸卯勅脩正史諭內閣選詞臣分任

甲辰禮部尚書陳于陛南禮部尚書沈一貫詹事府劉虞夔
少詹事馮琦充正史副摠裁禮部羅萬化吏部右侍郎盛訥
禮部左侍郎范謙劉元震右侍郎孫繼舉少詹事曾朝節祭
酒陸可教兼充副摠裁左庶子余繼登右諭德蕭良有洗馬
李庭機右中允劉應秋脩撰唐文獻焦竑編脩鄒德溥郭正
域黃汝良全天叙吳道南黃輝莊天合董其昌檢討王國蕭

雲舉區大相周如砥林堯俞充纂脩官王錫爵謂翰林各官
尚多宜吏部催取赴京至海內博學洽聞之士或官別署或
淹外僚容臣等搜其文行兼優者不論品秩令改京衛入館
或山林隱逸文行可取令吏部訪用出內府藏書先紀志次
年表次列傳限以年月各送摠裁纂脩官毋充差給假 上
是之

瓊州軍器局火


協理京營兵部右侍郎賈仁元論去進尚書

乙巳榆林衛地震

國權

萬曆二十二年

九



鑄潘府靈壽王埏堦六合王埏堦印

戊申司業周應秋刊十三經註疏成

四月己酉朔己刻日食

諭禮部擇皇長子婚

王錫爵密薦前大學士王家屏

庚戌巡按福建御史陳子貞奏開海山海壇南行等處荒田

裁通省寺田清屯田通廣東雷連高潮廉等商販從之

辛亥先是巡撫四川王繼光令總兵劉承嗣剿楊應龍以都

司王之翰副總兵曹希彬參將郭成分道至白石關應龍偽

降突擊我萬弩齊發之翰大敗會繼光以他事免遽罷師委

棄輜重略盡貴州兵亦敗于烏江而撤

壬子山東館陶天鳴

南通政司右叅議孟一脈為南右通政


癸丑周府內鄉王勤焯薨

甲寅戶科都給事中王德完御史黃紹賢等禮部郎中何喬

遠等各奏封貢非是上命俟顧養謙報至養謙陳封貢當

並允五利五害下廷臣決之

戊午鎮夷所天鳴



大同墾荒報千八百七十餘頃

辛酉寧夏地震

壬戌福建惠安縣地震

癸亥勅行制錢時錢法壅御史張蒲請贖緩輸錢例監輸錢
三之一戶口商稅駟傳各役工食俱錢從之

乙丑廣東左布政使費堯年為南太僕卿

丁卯南禮部右侍郎劉楚先改南吏部右侍郎兵部右侍郎
李汝協理京營通政司品鳴珂為兵部右侍郎兼右僉都御
史巡撫陝西

勅旌周王肅濬安昌王在鎮國中尉睦權孝義

己巳特許慶王子帥鉉襲封時八歲不為例

辛未江南金壇人趙平等私作兵器妖書巡按御史陳遇


文發之時東警吳中貴游子弟恃財結客私署名目謂可應

卒變仇人上訴俱逮治兵備副使韓齊曰是白面書生酒酣

耳熱叱咤張目里中兒耳安能及乃轉犯收不大沸

壬申藩王璉堯進銀千金粟千石助賑勅旌之

乙亥太常卿徐作為通政司少詹事曾朝節為南禮部右侍
郎太子少保禮部尚書沈鯉改南




丙子廷議閔白封貢時傳沈惟敬和親餘姚人諸龍光前許
客李如松所被慢遂上急變列如松罪狀并各和札投御史
唐一鵬內有征倭戚金上如松帖陳和親詳甚一鵬以聞
科給給事中喬胤亦言之故有是命訊龍光誰使之不能得
法司擬杖上怒械市死

沈德符曰按古來北虜與中國和親惟漢唐有之未聞島
夷敢萌此念若云日本願獻則高麗進其國女子在祖
宗朝自有例似亦可許至于公主下降則納幣賜勅宴使
定期古一一有故事軍中安能偽飾以欺外夷况倭奴狡

猾為諸夷第一非沈惟敬所能籠絡造為此說皆出東征
失志游人流謗都中而言路一二無識者遽登之白簡至
紛、為諸龍光訟冤辱朝廷而羞士大夫真可痛恨于文
定與石司馬私恨遂記之筆塵以為信然夫國體矣蓋朝
鮮日本與國其婚姻乃恒事但訛云天朝也

設遷曰曹操戒安定太守毋邱興曰羗胡欲與中國通自
當遣人來慎勿遣人往善人難得必將教羗胡有所請求
欲以自利興至遣校尉范陵至羗中陵果報教羗自請為
屬國都尉校馬一閔白彼聞我發兵當遣使自理曾不一



跡而本兵遣沈惟敬以先之犯曹孟德所戒封貢和親之說俱惟敬口善人難得以一介行李屬之使貪使詐其誤國無疑也


丁丑刑部右侍郎孫鑛為兵部左侍郎

巡撫雲南陳用賓遣兵擊平緬擒多俺及其子斬之旋師又檄暹羅同攻平緬夷罷于奔命稀入寇

瞿九思曰莽首乎莽首乎始猶緬甸一部落耳嘉靖時莽紀歲為思倫所殺几中廢後莽嘩喇滅楞子郎羗稍并木邦八百車里老撾孟養孟定六慰而有之而後漸自強

大也跨洞吾阻擺古豈不稱乎哉然而莽能未盛也岳鳳罕虔思順思仁思箇而盛也非然則莽去騰永且三月能持久乎昔楊給練文舉所言良是臣獨怪思化復猶走蠻莫何哉蠻莫去擺古五千里部兵一一漢人化豈謂雖鞭之長信然哉

五月戊寅朔兵部尚書石星彙朝議奏曰或降勅付小西飛歸諭閩白晝撤釜山兵以觀誠偽則有如罷為化議或遣使往諭必如中國約乃許倭使賫表請封及守鴨綠以西畫責督臣則有如孫鑛議或封貢並絕自脩內備今朝鮮萍勵圖存



而我遙為聲援則有如陳有年趙參魯議而衆論之所同則
汲于選將練兵儲器待餉屯田阨險皆本計也 上命顧
養謙諭倭衆盡歸表至即奏請處分

鉄嶺衛災柴溝懷安李信屯三堡地震

奪湖廣江夏知縣何傑俸二月以華宗室盈哥至詔毀公產

也因禁飭各宗

辛巳光祿卿范崙為太常卿

壬午襄府鎮寧王厚燾薨


癸未初巡撫福建許孚遠遣海商偵倭云平秀吉拘諸將妻

子遣攻朝鮮益淫虐衆心不附于是孚遠及巡按御史劉芳
譽以聞且曰得智勇奇士密往圖之王開俱起元兇可擒又
遼陽天津不可不慮 上是之

甲申先是朝鮮慶尚道防禦使金應瑞以斬獲倭功馳報劉
綏：轉上之石星併請罷封貢

乙酉申計典條例御史甘士价言計吏八事責成部院責成
撫按責成司道責成郡守資格當略各員緣當度寔政當務人
才當惜從之

土魯番速壇阿黑麻王等五十九王各入貢



丙戌贊善王入貢

丁亥吏部推閣臣王家屏沈鯉孫鑰沈一貫左都御史孫丕揚吏部右侍郎鄧以讚少詹事馮琦上以推及部院不允已丑福建左布政使管大勳為南光祿卿

辛卯禮部尚書陳于陞沈一貫兼東閣大學直文淵閣

上以吏部推閣員違制誦文選郎中顧憲成而戶科右給事中盧明詠述中立先後疏救上益怒憲成削籍誦明諫中立陝西按察司知事時閣臣謂卜相宜特命不必廷推吏部尚書陳有年爭之

甲午禮部儀制郎中何喬遠奏救顧憲成謫為廣西布政使經歷

戊戌論遼鎮失事之罪先虜衆數萬寇錦義深入七日殺掠男婦五千餘人遂下副總兵楊紹勳臺訊逮叅議馮時泰免巡撫韓取善

己亥罷遼東總兵官尤繼先


庚子大學士王錫爵八疏乞休允之加吏部尚書建極殿大學士

右通政李化龍為右僉都御史巡撫遼東

國權

萬曆二十二年

十五



左都御史孫丕揚上巡方約束書曰憲綱曰辨吏曰官守曰
分類曰巡視曰約束

壬寅中軍都督府僉書都督同知董一元進為提兵官鎮守
遼東

癸卯靖江王府宗室邦高有罪賜死

乙巳南後軍都督府僉書鄭尚全為中軍都督府僉書
予故南通政使艾可久祭葬

潞王助賑三千金

六月戊申朔吏部尚書陳有年畫列待罪司屬請裁命議之

壬戌方城王 璠薨

禁私立先廟初福清海上設孔廟歲訓導分祭巡按陳子貞
奏裁之

前尚寶少卿李先芳卒字伯承山東濮州人嘉靖丁未進士
令新喻進戶部主事歷令官益工脩詞年八十所著東岱
山房稿二十卷清平閣集行世

癸亥經略遼東顧養謙薦孫鑛自代允之


禮部左侍郎范謙左庶子余繼登充正史副總裁進繼登少

詹事

國權

萬歷二十二年

十六



免大同萬歷十八年以前通租

乙丑西寧衛天鳴

丙寅右諭德蕭良有為右庶子兼侍讀洗馬李庭機為右諭德兼侍講右中允劉應秋為洗馬

蘭州衛大佛寺火藥災斃甘州中衛經歷何源等十六人

丁卯潁州王自檢作亂聚眾千人兵備副使李驥等計擒之
己巳夜有飛星如彈色赤有光後二小星隨之

庚午免廣東饒平縣鹽課浮額三千五百餘金

辛未江南崇明縣獲倭舟一隻三十四人

壬申成山伯王應龍卒

御史許聞造言方今事勢可憂二大六備則治安不備則衰
亂可憂者何武備空虛漕糧偏重也大計者何清糧額覈屯
田權馬價濬溝洫定兵制嚴軍法也要歸二端曰兵餉上
是之

乙亥吏部右侍郎盛訥憂去


七月己卯編脩葉向高為司業

庚辰兵部左侍郎孫鑛兼右僉都御史提督薊遼軍務召顧
養謙回部

國權

萬歷二十二年

十七



辛巳予故南政通使楊登相祭葬

東征功久不叙兵部尚書石星請再勘上允之命即擇吉

告廟宣捷

癸未盡蠲寧夏萬歷二十一年逋租

丁亥趙志舉以南御史柳佐見劾乞休不允

己丑御史陳遇文巡按回京孫丕揚考其濫舉一人命

奪俸六月

辛卯刑科給事中李先芳論巡按浙江御史彭應參脅前祭
酒范應期死公論不平下部院勘議應期字 浙江烏程

人進士第一官編脩歷今官家居業怨應參方嚴敢擊斷治


其子弟應期自經

夜雷震祈穀壇東天門左吻

丙申虜套卜失鬼犯定邊張春井總官兵麻貴擊卻之

丁酉吏部尚書陳有年罷有年扼于政府乞休疏已十二有
許之

戊戌戶科給事中耿隨龍劾巡撫福建許孚遠歲荒不賑減
米價阻販至于釀劫浙江撫按王汝訓彭應參與訟告許脅
死范應期歸安知縣張應望尤為首禍不報



工科給事中黎道照劾顧養謙陰附和議敗壞封疆不報

癸卯鳳陽廬州大水

甲辰魯王願坦薨

西虜火落赤謀犯寧塞守備杜松先引騎出亂雲澗擊斬十

九級

八月丙午朔 霍州地震

丁未開館脩正史

御史趙文炳請崇節儉略曰近日風俗奢侈相尚數日之糧不供一席之費百畝之入不能易一身之衣嫁女則玄黃耀

日送死則幡幢蔽天室廬飾以雕畫車馬蓋以金錫披緇削髮多于南畝之夫梵宮之觀擬于北闕之盛至綴珠玉于娼優曳朝履于僕隸風俗若此欲民之不窮也得乎京師四方之極大臣百官之望也大臣不行何以表百官京師不行何以示天下輔臣九卿宜其先節約以為眾倡京師不行則責五城御史省直不行則責督撫從之
戊申左都御史孫丕揚為吏部尚書


己酉恭順侯吳繼爵乞賜肩輿不允

南兵科給事中盧大中疏救馮時泰奪俸半年時泰戍邊刑

國權

萬歷二十二年

九




科給事中喬胤等乞省 上益怒改永成
御史黃一龍言脩攘三策簡殊能以儲樞筦別才品以任撫
臣議選舉以重將領不報

庚戌吏部推原謫御史何選為刑部主事文選司郎中馮生
虞等俱謫極邊雜秩閣臣疏解降一級調外餘奪歲俸
王順試天左庶子蕭良有洗馬劉應秋先是應天左諭德李
庭機左中允劉應賓浙江編脩吳道南戶科左給事中吳中
明江西編脩黃汝良刑部主事彭應捷福建檢討王用予兵
部員外郎方應選湖廣刑科左給事中葉繼美工部主事莊

懋華河南吏部主事劉文卿兵部主事賈維禴山東工部主
員外郎王登才戶部主事韓正域山西工部員外郎朱汝器
戶部主事全時舒陝西刑科左給事中王嘉謨工部主事葉
庶四川兵部主事江中信刑部主事袁化英廣東兵部主事
曾偉芳刑部主事劉毅廣西刑部主事熊宇大理寺評事汪
沿雲南戶部主事李徽猷刑部主事陸夢履貴州刑部主事
朱思明評事竇子偁

辛亥順妃黃氏薨

丁巳播州楊應龍訴七姓之誣構乞戴罪立功不許



西海駐牧虜酋永邵卜并瓦刺他卜臺乞款下督撫酌之
庚申江南道御史林道楠論大學士趙志臯不能決大計徒
狗顧養謙意以孫鑛代謀國無當乞罷相 上留志臯奪道
楠歲俸

壬戌夜東北方有流星大如盞赤色聲如雷二小星隨之
癸亥套虜卜失兔自塞外潰墻抵下馬関總兵蕭如薰等皆
觀望不進至九臯五日出馬連張泰并游擊史見死之蹂躪
匝月全陝几震已延綏總兵麻貴乘寧塞搗巢之銳馳至下
馬関戰于薛家窪斬百十九級

丁卯總督陝西葉夢熊言延綏甘肅二鎮專主戰不得疑貳
仍持兩端致墮虜計在寧夏時或調停在固原陽施籠絡伺
其可乘從之

甲戌平壤告捷郊廟

乙亥工部尚書衷貞吉改左都御史吏部左侍郎趙參魯為
南刑部尚書總漕戶部尚書李戴改南


九月丙子朔邢玠為兵部左侍郎兼右副都御史總督四川貴
州勦剿楊應龍

庶吉士楊繼禮陳懿典韓爌為編脩王象節沈灌高克正劉

國權

萬曆二十二年

五



生中李騰芳傅德新為檢討張同德姚文蔚陳繼春為給事中何維祥趙之翰馬文卿為御史

論東征功進經略宋應昌右都御史李如松太子太保增祿百石督畫劉黃裳督餉艾維新各有差

已卯提督倉場戶部右侍郎褚鈇為戶部尚書右副都御史提督漕運提督河道工部尚書舒應龍回部

庚辰光祿寺丞兼河南道御史賑飢河南鍾化民事竣上飢民圖說

辛巳瓊山文昌地震文昌又大風雷西寧地震天鳴三日

十月丁未時部院考選不下趙志皋疏請不報

吏部左侍郎范謙為禮部尚書右副都御史陳大科為兵部

右侍郎兼右副都御史提督兩廣提督兩廣劉楚先為禮部

左侍郎

巡撫廣西

罷寧夏提兵蕭如薰延綏副提兵姜直下臺訊前套虜入益場堡沙梁不戰也

巡撫福建許孚遠奏呂宋酋長子


其父

奪其寶以逃兵部議誅盜復遣酋使以縻之報

國權

萬曆二十二年

二十二



酋來鎮其地通閩人多往焉其久賈以數萬會佛郎机酋
侵美洛役華人三百助戰令警備稍懈輒箠之華人皆怨
有潘利五者入卧內殺酋大呼佛郎机人驚起悉刃死利五
與其黨載貨物以歸失水道誤入安南安南人掠之獨郭惟
泰三十餘人走免酋子訴之置惟泰于理
戊申勅旌唐王碩曠助賑

蠲安徽望江懷寧災稅

遼陽大雷雷雨雪東寧衛亦如之

十巳酉夜渤海所有星墜南門樓燬江南武進江陰大雨水

辛亥陝西左布政使戴耀為右副都御史巡撫廣西

居庸關總兵官解一清為征西將軍總兵官鎮守寧夏陝西

總兵官楊濬為平羗將軍總兵官鎮守甘肅

癸丑初川貴合攻楊應楊久不克巡撫貴州林喬相奏言自


西路失律酋勢益獗而貴州山瘠如川兵不協何巡按御史

薛繼茂言播州原籍隸蜀令蜀自收局而貴州量助防守巡

四撫川譚希思奏言必須貴州合力禮科給事中楊東明請

遣才望大臣往勘如事可原即赦之否則須徵川湖雲貴之

兵報可



甲寅遼東副總兵張世爵為總兵官鎮守昌平大同副總兵
黃明臣為總兵官鎮守陝西

乙卯南右諭德馮夢禎為左庶子正史副總裁官


前光祿寺丞朱維京字可大江西萬安人萬歷丁丑進士
以諫三王並封去年四十六

已未前禮部尚書沈鯉辭疾不至

南大理卿周思敬為南工部右侍郎工部右侍郎邢玠為左
侍郎兼右僉都御史總督四川貴州軍務南禮部右侍郎曾
朝節改南吏部巡撫應天朱鴻謨為刑部右侍郎吏部右侍

郎呂坤為左侍郎

庚申巡撫遼東李化龍總督經略孫鏞議制倭二策曰遣還
日許市兵部言奉命封貢俱絕彼尚未知久往釜山名為候
我寔則要挾但三年客居兵力已倦兩將相角間隙易生必
欲保屬國以固藩籬宜設一憲臣專理朝鮮兵備凡兵餉悉
如我法我仍留一將行月二糧就彼設處倭果願封立限歸
巢然後酌奏如觀望懷奸即放還小西飛絕之因上防禦事
宜一召浙兵補三千七百人調薊鎮保定客兵六千人撤川
兵詔下所司



辛酉致任禮部尚書羅萬化卒于寶應予祭葬贈太子少保

謚文懿萬化字 浙江山陰人嘉靖戊辰長進士官編脩至

今官年五十九

壬戌海州叅將祖承訓為遼東副總兵

夜馬城堡大星隕天鳴

癸亥故國子祭酒范應期婦吳氏詣闕訴巡按浙江御史彭

應參挾私控告屬烏程知縣張應望嚴提勒贖八百金子汝

汝泗飲藥死夫因自經而巡撫王汝訓代應參飾辨其枉不

白 上怒逮應參應望罷王汝訓初應參好恣豪紳烏程尚

書董份无富橫啖吳氏入訴又徧囑當路馬

乙丑刑科都給事中喬胤等疏救應參謫應參餘奪歲俸

丙寅因浙江撫按擾民切責部院任用匪人有負任使尚書

孫丕揚左都御史衷貞吉疏救稍解


先是長昂以七千騎犯中後所趙孟麟悉斂人畜家丁趙子

明等伏小屯臺斬三級射一酋死虜怒攻陷臺子明等力戰

死副總兵秦得倚趙孟麟各援至虜始遁副總兵李平胡游

擊崔吉叅將張應科擊之追至半邊山虜復佯攻兵卻各阻

險自守秦趙兩軍鏖戰多所殺傷備禦高濂以兵百餘自東



來不即進虜望塵疑有伏而遁

丁卯尚書兵部石星請封倭略曰方倭之陷朝鮮利用威及還王京歸王子陪臣則利用信 皇上慨然許封敷布詔旨今倭又住釜山我之不封既已失信彼之請封又復驟疑故封後而勅令盡歸宜無不得封前而數為責備似難必行宜令小西飛入京示封約面諭行長即退以待冊使往即行長未歸待冊使至而返蓋既封則朝鮮暫安得自為戰守若復設難成之約則禍中朝鮮全羅必失遼左亦何以支又封後或反復臣請自蒞之不濟則治臣罪 上從之令小西飛入

京如許封後仍不退則濟師

戊辰蠲折開封南陽等災租


巡撫山西魏允貞歲節二萬八千一百四十餘金 上善之

命各省直巡撫如允貞例乞酌裁

己巳贈甘肅游擊謝詔都督僉事廕正千戶贈百戶馬載圖指揮僉事世副千戶立愍忠祠俱海虜入寇戰死

庚午 皇六子常潤生

東虜炒化把都伯言犯鎮武堡搃兵董一元伏兵俟半過擊斬五百四十餘級大酋伯言把兔劄死炒化把都尋亦死明



日西虜卜吉彥犯右屯懷武擊敗之時巡龍化李龍等攻守足兵餉明斥堠嚴偵探故所向有功


瞿九思曰三衛稱福餘先哀落兩都督皆乏絕而所遺把都金屋、為都指揮使慶雲堡之役殺我吏卒者豈非伯言與世嘗笑伯言鄙固何敢數擾我閩市豈非自恃智囊乎不然則亦恃速把亥煖鬼輩誠足備緩急耳卒之兩策無所施身施金瘡而死旋死矣猶恨其死不足以贖我一塞吏死也

是月 項城盜三百餘人掠南頓鎮十二月知縣王欽誥

請兵平之

十一月乙亥朔立宣府大同常平倉

戶科給事中楊恂等上積貯四議曰折征內庫所貯香臘顏料布絹羽毛皮張之類積久朽蠹宜一清理果足用折征濟邊曰汰冗國家冗官如譯宗生冠帶儒士通事序班帶俸中書官樂舞生冗役如官匠民匠曰斗脚夫厨役及大婚選授者歲廩百餘萬石俸薪數十萬金宜逐一清汰曰料草二十四馬房其多至三百者各減五六十匹御馬三倉因內操馬數雖減草額更加亟宜清覈曰牧地云云疏入不報



巡撫福建許孚遠為南大理卿大理卿沈思孝為工部左侍郎南提督操江右副都御史趙可懷為兵部右侍郎兼右僉都御史巡撫應天太常寺少卿劉元霖為右僉都御史巡撫浙江

勞遼東吏卒二萬金

丁丑工科給事中張濤切諫謫廣靈典史

戊寅冊端妃周氏敬妃李氏


己卯兵部尚書石星言既許封閩白宜令游擊姚洪徵小西飛至京寓朝陽門外朱氏庄沈惟敬館伴其朝見冊封遣使

等儀並如朝鮮琉球例大抵封事責臣館穀防護責摠協李言恭李汶又令陳雲鴻同沈家旺往釜山宣諭平行長速退候封使上從之仍行摠督孫鏞飭備禁阻撓者小西飛行長書記也

于慎行曰金之破遼猶不敢輕舉伐宋也乃遣使者往返既數道路險易朝廷治否府庫虛寔漸得要領而長侵之志決矣中國表裡不可使外夷知之彼以納

夷出入或有密圖山川潛窺虛寔即平時貢夷

况當倭虜內訌兵出境上而容其謀使入都



謂愚矣

庚辰脩養心殿

先是命湖廣改進魚鮓左布政使武尚耕謂已

魚

如故上怒鑄三級調用并奪撫按俸二月科道閣臣疏救

不納初尚耕兵備承天裁守備內臣之橫令太監孫託內

黨傾之

脩獻陵成


壬午戶部覆山東巡撫鄭汝璧所議積粟青登萊等軍屯不
贍民屯多負宜聽民三分之二納雜糧糝穀豆黍之類又議

開島登州長山諸島以登州營軍耕之作遠舡十六隻利涉

從之

禮科給事中薛三才言大臣祭葬論官論品贈謚論行業冒
濫宜裁如故吏部吏侍郎王希烈行業無稱陳乞非法所當
停寢章下禮部

四川巡撫韓希思吳孔嘉言楊應龍負固再使詰諭應龍再
請官臨勘潛遣人奏辨宜草其宣慰啣再諭如縛赴募江俾
五司無改舊業七姓悉還故區該司表貢止書播州土司降
其子朝棟為土舍督催糧馬俟三年後奉法許襲秩如抗諭



則合貴州兵之報可

甲申撫治鄖陽右僉都御史董裕為大理卿
黃鳳翔起補南禮部尚書祭酒陸可教為南禮部右侍郎

乙酉順天府丞沈桐為右僉都御史巡撫福建起賈待問南
右副都御史提督操江

前福建道御史饒位陞湖廣按察副使引疾上以位謹處
請告不得推陞凡科道外轉引疾者准此

辛卯巡撫延綏李春先議復客餉從之
蠲山西永寧等二十四州縣秋糧

癸巳 慈聖皇太后誕辰 上御門召輔臣煖閣趙志臯奏

封倭等事俱優答之

陝西右布政使馬鳴鑾為右僉都御史撫治鄖陽


太常少卿成憲為祭酒尋劾免

甲午薊州地震夜金木星相犯

丁酉大學士趙志臯張位沈一貫以南大理評事龍起雷論
及各求退不允

庚子賜上蔡王載堦書院額曰學文

十二月甲辰朔永寧長公主薨



薊鎮副總兵李熙先為總兵官鎮守昌平

乙巳御史段尚繡上脩倉八議酌催工議協管稽定用數成
數速開報慎委官審制度重老成從之

丁未免廣西全州陽朔等處墾荒虛糧

乙卯趙志臯請上御門見小西飛上謂夷情未審下部
議奎山倭退盡始封仍審小西飛于左闕門


吏科都給事中林材劾吏部侍郎劉元震祭酒成憲詹事馮
夢楨語侵閣臣以暗傷善類鑄三級謫廣東程鄉典史
寧越守備吳文傑移黎州以黎州土舍馬應龍恣掠也

是年徵貢士鄧南錫為翰林院待詔劉元卿為國子監博士
元錫道卒

北閩卜寨那林字羅改建州卜寨被殺殺北閩請其屍剖其
半歸之于是兩地成仇建州勢浸盛矣

西番虜寇自雲南麗江知府木旺擊破之

故浙江按察僉事莊用賓贈太僕少卿詹錦衣衛百戶世襲
用賓晉江人嘉靖進士授行人司副遷刑部員外郎出僉浙
江罷官年三十一嘉靖中同弟用晦募三百人擊倭怒刻
其父塚剖屍去遂同走賊壘奪屍出用晦竟死賊中撫臣以



臣木

萬曆二十三年乙未

正月甲戌朔 上不朝

丙子勅部院申飭考察之法

戊寅松江地震

庚辰禮部尚書范謙請給豐臣平秀吉皮弁服冠紵絲等項
及誥勅印章時小西飛稱日本已無國王禮部擬封順化王
有旨封平秀吉本日國王永樂初賜日本龜紐金印小西飛


國權

萬曆二十三年

鹽官設遷孺木著

聞久不報至是隔四十餘年子鳳章奏狀上欲錄當年擊
倭者以風屬才勇也

[Faint bleed-through text from the reverse side of the page]



云夫之乞更給從之

癸未鑄山東青州萊州登州各海防同知兼管清軍駙傳監捕關防

甲申戶部光祿寺以珍羞署白糧精鑿者供上其年久者改別厥充口糧從之

乙酉授日本豐臣行長豐臣秀家豐臣長盛豐臣王盛豐臣吉繼豐臣家康豐臣輝元豐臣秀保各都督僉事日本禪師僧玄蘇給衣帽小西飛授都指揮使

丙戌劉綎陞四川兵官私餽巡撫宋興祖發之奪原

銜仍視事

癸巳巡撫南贛汀漳謝杰上銷兵養兵簡兵三策 上善之 兵部覆巡撫廣西陳大科議絕戍當清從之

乙未河外虜犯靖康堡官軍擊斬百二十七級擒 人寧夏 中軍游擊石尚文又斬五十級提督葉夢熊以聞

丁酉御史綦才言三事曰抑武臣李如松劉綎曰懲賄臣許 曰寬謫臣武尚 上命議處劉綎張世爵各有差而綦才


因事黨救奪俸六月尚耕削籍

吏部左侍郎劉元震署詹事府

國權

萬曆二十三年

二



部院大計降斥有差浙江海道副使丁此呂以貪處此呂御史時追論張君正故善沈思孝吳中行等大為不平

二月己巳進陳于陛大學士于陛上時政六事接見大臣錄用人才勸獎外吏清查邊餉儲養將才擇用邊吏 上褒納之

丙午勅神机三營添註游擊將軍署都指揮僉事沈惟敬隨正副使往封令暫住遼左待報方行爾諭行長等即整備冊使舟楫等項仍令金山倭退朝鮮奏請冊使乃前凡約束三事調停兩國俱屬爾責

丁未虜寇遼東鎮武堡搃兵官董一元擊斬四百十級奪駝

丁餘

李庭機為左春坊左庶子鄒德溥為右春坊右中允左庶子蕭良有為祭酒

大學士文淵閣張位吏部左侍郎劉元震主禮闈

南右都御史楊一魁為工部尚書搃督河道


庚戌城淮安廟灣

辛亥詔封日本國王平秀吉曰朕受天明命覆幬無私仁育遐荒有同宇下惟爾日本遠隔鯨濤昔曾受爵于先朝中乃自携子聲教爾平秀吉能統其眾慕義承風始假道于朝鮮

國權

萬曆二十三年

三




未能具達繼歸命于闕下備見真誠馳信使以上表章于屬
藩為之代請恭順如此朕心嘉之茲特遣後軍都督府署都
督僉事李宗城五軍營右副將署都督僉事楊方亨封以日
本國王錫以冠服金印誥命凡爾國大小臣民悉聽教令共
圖綏寧長為中國之藩籬永奠海邦之黎庶恪遵朕命克祚
天庥

于慎行曰國家禦夷自有正體封貢之典禮在禮官征討
之法職在樞府譬如青烏司春玄鳥司閉各有職掌不可
紊也景朝古者為成法如西之哈密南之交趾北之順

樞府

曰有事而封貢題請則皆屬禮部舊牘具在

攷覽也遼在匈奴師司馬欲以封貢嗾倭救先補敗且欲
身任其事以自為功亦不想職掌沿革各有司存而禮部
一二正卿苟欲避謗辭難為自免之計亦不言職掌在本
部也乃使兵部題請成封貢之議及事敗勢頽兵臣伏罪
而禮臣無恙焉其如職掌之紊何夫兵臣不知責之在人
而任之于已禮臣明知職之在已而委之于人皆所謂溺
其職者之公卿臺諫亦無一人詳考舊牘而知其責之所
在者使兵臣誤而罹于法禮臣誤而免于罪近于七聖皆



迷之域矣士大夫高設虛拱不親世事其流弊至于如此

太僕卿楊時喬為南太常卿

壬子戶部左侍郎胡執禮為南右都御史禮部右侍郎孫繼
臯為南吏部右侍郎劉東星 為吏部左右侍郎

工科都給事中吳應明奏奉旨陝西織羊絨七萬四千七百
有奇費百六十餘萬閩中連災戶口逃亡豈堪此役不報

大理左少卿鄧鍊為太僕卿

乙卯先是提督薊遼孫鏞巡撫遼東李化龍上言倭情未馴
可定不可慮倭不識漢文恐互相欺詒請如禮部議量封

一停冊使及沈惟敬增募水兵清正素不服閩白與行

相能長不相能宜如魯仲連諭燕將計 上以已遣封使毋
停孫鏞傳諭行長報語支吾日本國王 見都山城有天


祿三年歷與小西飛言信長弑王不合

丙辰長荊州土江東之為大理寺左右少卿

虜犯陝西靖虜等衛官軍擊斬百六十餘級

丁巳右通政李汝華為南光祿卿

己未京師立忠節祠祀故太傅于謙太常卿鍾化民請之
新寧王萬勾攝代府事



叙遼東鎮武功進提督董一元太子太保左都督世 衛指
揮使督撫顧養謙孫鑛各陞廕

乙丑巡按四川御史王慎德言征播之事有三國體當重贖
畫當罷黨與當剪 上然之

三乙月亥戶科都給事中楊恂論趙志昂通許茂楫之餽徐宗
達代楊應龍行金奪吏部權抑言官且刺張位 上怒降陝
西按察司照磨

丙子御史彭應參劾籍烏程知縣張應望戍邊
戍黃故禮部尚書董份卒字 浙江烏程人嘉靖辛丑進

十六
士本名倫歷前官有文學西苑應制貪險附嚴嵩除名年八

吳文華辭南工部尚書


虜犯遼東官軍擊斬百八十四級擒真虜六人
辛卯福建寧府大雨雹

丁酉減 長公主婚禮珠寶三分之一

庚子予故南戶部尚書張西銘祭葬

壬寅許倭使小西飛渡江俟朝鮮奏至同冊使往

四月癸卯朔日食



已酉以甘肅橫城失事副總兵王國翰叅將李鯤下臺訊兵
備荊州後奪俸三月

庚戌命儒臣講大學衍義

總督陝西葉夢熊為南工部尚書南大理卿許亨遠為南兵
部右侍郎少詹事馮琦為禮部右侍郎

辛亥少詹事余繼登為詹事府

甲寅巡視陝西茶馬御史李楠請禁湖南茶引以絕夾帶建
紫陽茶坊以絕假造收岷州番馬以充征騎從之

己未助理京營戎政兵部右侍郎李汶為總督陝西三軍邊

務右都御史兼兵部右侍郎山東左布政使張允濟為巡撫


山東右僉都御史順天府尹沈應文為南大理卿

丁卯巡撫福建許遠字奏福州海壇山 墾田八十萬三

千八百畝有奇

戊辰工部左侍郎沈思孝為右都御史兼兵部右侍郎協理
京營戎政

時泗州水患祖陵前遣勘科即奏未上于是工部左侍郎沈
思孝言河患亦天時人事適然未盡諸臣咎 上怒甚謂河
工歲糜金錢百萬而害如故前總督河道工部尚書舒應龍



因時艱停工南工部都給事中劉弘實給事中陳洪烈各請
緩遂追罪之應龍削籍弘實已陞浙江左叅政降惠來典史
洪烈馬邑典史時疑思孝挑激思孝奏辨求去不允
項城縣大雨水傷稼

五月癸酉朔御史吳楷請上親北郊不報

神机營坐營陳雲鴻總督孫鑛遣官駱一龍抵行長營行長
率諸將迎倭衆回巢大半僅留如千人候天使兵部以聞乞
命楊方亨前駐居昌李宗城與小西飛等前駐南原示彼大
信從之


丙子南鴻臚寺卿徐大任為南太僕卿

御史謝廷策以陳于陞有接見大臣錄用人臣之奏因上言
皇上靜攝以來朝講中輟輔臣至終歲不接恐官府漸隔而
煬竈之患隨之諸臣言激直慙不能無罪前後譴削百十餘
人錮以終身是明以人以名而暗自失非便計也 上以窺
探市恩降外

光祿卿錢藻為順天府尹右通政耿定力為左通政

南侍讀學士楊起元為祭酒

予故兵部左侍郎汪道昆祭葬給事中薛三才謂嘗經內計



拾遺不准謚

丁丑提督

蕭大亨為刑部尚書仍太子太保

巳卯趙志臯請發留中諸疏不報

時頒四川扇式御史周希聖言蜀困不堪 上怒奪歲俸

辛巳復遼東屬夷伯荅部落市賞

御史袁可立請錄謫臣不許奪歲俸

壬午宣固原延綏之捷

甲申工部右侍郎徐作為左侍郎巡撫陝西左副都御史王

世揚為工部右侍郎前提督兵部左侍郎陳于陞為戶部左

侍郎

南戶部尚書李戴為工部尚書巡撫

兵部右侍郎呂鳴

珂為工部右侍郎湖學按察司金學曾為右僉都御史巡撫

福建

乙酉臨邑山東縣雨雹盡作男女鳥獸形

戊午趙志臯請選庶吉士許之

庚寅山西寧武提兵官張世祥劾免


辛卯戶科給事中鄒廷彥論忠沈孝 上疑其疏合楊東明

疑噤之奪廷彥歲俸降東明

國權

萬歷二十三年

九



壬辰昌化王化府宗室充鞅有罪賜死

甲午賜孟津王載堙書院曰勉學


乙未吏部尚書孫丕揚立掣籤法銓制庶官量才高才授秩
丕揚苦狗請大選立掣籤法每闕書一籤納甬中選人自探
得之一時稱公識者不謂然也其後猾胥擇善闕上下其手
不復能詰時號籤部

于慎行曰孫太宰患內人請託難于從違大選外官立為
掣籤法一時宮中相傳以為至公下逮小民間巷翕然稱
誦而不知其非體也古人見除吏條格卻而不視以為一

吏足柰何衡鑒之地自處于一吏之職而無所秉成亦
以陋矣至于人才長短各有所宜資格高下各有所便地
方繁簡各有所合道里遠近各有所準而以探丸之智為
瓶挈之守是掩鏡可以索照而折衡可以懸決也從古以
來不聞此法

左都御史衷貞吉請宥謝廷策周希聖不聽謫廷策
丞希聖滋陽典史 縣

歲貢生曹上吉選高陵知縣為奸人所賣索賄文選郎中蔣
時馨聞而捕之上吉除名奸人下鎮撫司




叙延綏寧塞搗巢功都督麻貴廕本衛正千戶
廣西總兵官王化熙廣東總兵官王童元鎮互調以化熙嘗
鎮浙江諳海道元鎮嘗歷柳慶習夷事也
丙申琉球國使者于伯為世子尚寧求封許之故事必世子
表至禮部尚書范謙請選遣官至閩俟世子表來給之
山西汾州政府附郭汾陽縣轄永安州寧鄉臨縣又平陽之
靈石沁源武鄉益之隸分守冀南道
套虜青把都兒犯甘肅總兵柳濬等擊斬百七十餘級副總
兵何崇德亦有功共斬六百六十餘級

丁酉巳刻京師再地震

戊戌命脩省

戶部左侍郎陳于陞為南戶部尚書南刑部右侍郎王樵為
南右都御史南提督操江右副都御史賈待問為兵部右侍
郎巡撫陝西張養蒙為左副都御史回院
長沅屬衛哨兵作亂尋戢

辛丑御史高舉陳河患曰淮水之患起于高家堰之築張福
之隄而高堰東堰高寶淮揚未可盡去惟周家橋大小澗口
武家墩綠楊溝及前所侵會河等處于滾水石壩外浚河



築听使白馬汜水等湖會入邵伯湖高寶間舊十二閘外疏
十二河泄湖水而注之海入灣頭而下舊有芒稻河揚州而
南舊有瓜洲儀真閘宜改前閘為壩疏芒稻河以南皆入海
之道

南工部主事樊圻程言欲導淮先疏黃欲疏黃先闢海然舊
海口決不可濬當自鮑家營至五港口浚河今從灌口入海
章下所司

六月癸卯巡撫南贛汀漳右副都御史謝杰為刑部右侍郎前
巡撫雲南陳薦南為右僉都史提督操江

總督河道工部尚書楊一魁言清口宜濬黃河道故宜復高
堰不必脩石隄不必築減水閘壩不必用 上是之

乙巳閣臣請元子暑月輟講不許


戊申立真定順德保定河間常平倉巡按直隸御史錢夢得
請之

故榆林游擊史見贈都督僉事立祠

庚戌命雲南土司思化復居蠻莫

御史區大倫言節省大要不報

辛亥御史夏之臣請決高家堰即大澗口淮水所東趨也



築自潘季馴始淮水就下取道大澗口套河阻之章下所司
甲寅選庶士吉高承祚何宗彥顧秉謙黃志清林秉漢白瑜
郭涓孫如游朱延禧趙用光鄧士龍梁有年南師仲陳之龍
劉一燝劉綱劉餘澤俱祺同鼎甲朱之蕃湯賓尹孫慎行等
肄業

辛酉吏部尚書孫丕揚考滿進太子少保

壬戌戶科給事中黃運泰言治河之策當治下流今日欲安
祖陵必泄淮水欲泄淮必浚黃河下流束泄而遽開高堰周
家橋淮流南下黃必從之也論高寶數縣為沼淮水且終過

于黃而壅如故今惟浚五港口達于淮入海章下所司

乙丑山東登萊提兵官楊文正山東按察僉事李根劾免

右春坊右中允周應賓為南右春坊右諭德署翰林院


南戶部尚書李戴為工部尚書

有男子劉行潔詣闕自刎下巡按御史理其枉

丙寅予故吏部尚書孫鑰祭墓贈少保謚清簡浙江餘姚人

嘉靖丙辰進士

丁卯福建偵倭把總劉可賢贊畫姚士榮下臺訊以攜夷僧
入且受貨也



庚午曹允成嗣豐潤伯

予故戎政兵部尚書賈仁元祭墓

辛未賜晉王敏淳書院曰寶善

七月丁丑吏部左侍郎兼侍讀學士劉元震禮部左侍郎劉楚

先同教習庶吉士

泗州水久患蠲漕糧馬價草料三年

戊寅禮科給事中楊天民言建文君年號不宜革除方脩史

乞賜復章下所司

前南右都御史胡嘉謨卒予祭墓

已卯初巡按直隸御史趙文炳劾吏部郎中蔣時馨倖進

爵下廷議尚書孫丕揚代時馨御史高舉等云言官論人會

議非體上特諭內閣曰文炳論賄不啻數千金丕揚全無

指定卿等可示該部今後務精白乃心


江南嘉定歲漕米十萬四百九十餘石土不宜稻正米折七

錄改兌折六錄著為令

申飭陝西各鎮秋防

甘肅提兵官楊濬為中軍都督府僉書

庚辰洗馬劉應秋為右春坊右諭德兼侍講脩撰朱國祚為



洗馬

立愍忠祠祀右屯衛陣沒省祭贈千戶朱臣

改故大學士殷士儋謚文莊舊曰文通

壬午貴州定番州木瓜長官司副長官顧衷寵妾殺其妻又脅妾死巡按御史薛繼茂以聞命下臺訊

癸未南光祿李汝華為右僉都御史巡撫南贛汀漳太僕少卿王士性為右僉都御史巡撫河南

甲申宣甘鎮之捷

協守臨洮副總兵王賦業為平羗將軍總兵官鎮守甘肅

丙戌蔣時馨削籍時馨漳平人萬歷丁丑進士令新喻調嘉

魚遷南大理評事故被衣冠從鄒元標等講學因歷考功文選二司及被劾請廷質且曰戎政兵部左侍郎沈思孝庇浙江海道副使丁此呂避察不得又求少宰不得回同右諭德劉應秋大理右少卿江東之等託李三才授趙文炳冀陷太宰而代之 上怒其瀆辨

太僕少卿王國調外王士性辭河南巡撫云臣品望不及王國 上怒其矯使且王國使氣致之并調士性南京


戊子解州崇寧宮改英烈祠祀漢關羽

各省直輸金花銀不及額浙江江西廣東福建布政司官各

國權

萬歷二十三年

五



奪俸六月

前總督蘇蘄遠右都御史周詠卒字思養延津人嘉靖壬戌
進士知魏縣擢御史出按宣大山東擢大理寺丞轉左少卿
進右僉都御史巡撫山東轉總督墾田一千四百畝築臺垣
七十餘數敗虜進兵部右侍郎至今官廕錦衣正千戶後乞
休年六十三


申用懋曰士大夫居平抵掌而談穰苴易與耳即有緩急
輒瞪目而視偃俛而趨何易也方亥酉猖獗時二十萬浴
鉄之騎交錯于我儲胥者凡五載小入小利大入大利當

事莫敢誰何而公從頌其間恢々乎有餘地卒之宣威振
律飛捷明光俾天子無東顧之憂夫非社稷之衛也與哉
已丑河南涉縣石鐘崩有聲如雷

庚寅宋儒周敦頤父諫議大夫輔成從祀孔廟啟聖祠巡按
湖廣御史徐兆魁言之也

癸巳命武定侯郭大誠祭祖陵及淮黃二瀆

甲午還故浙江海道副使丁此呂時蔣時馨既斥尚書孫丕
揚謂衅由丁此召蓋沈思考以此呂建言不宜察丕揚遂上
此呂訪單貪婪贓跡雖建言無偉脫理命逮下獄而丕揚與



思孝交惡矣

設遷曰士不以一節繫終身建言諸臣始而悻、繼而靡靡骨鯁成性者凡人類多負氣借叢共標門戶蔣郎中貪淫無足論丁此召立名非真贋跡累、對簿之日承服硃砂床十具則其人可知富平懼以選郎累喜同伐異訪單進御其細已甚偽虛舟飄瓦以無我處之雖沈司馬護前亦相忘于大道矣

丁酉南太僕卿徐大任為南光祿卿


維敬報倭焚柵渡海

丁亥徐弘基嗣魏國公

庚子朝鮮以日本謝恩人舟取道對馬島經我恐啟衅願如提督顧養謙所議貢道仍出寧波兵部惟敬沈惟敬不許安南黎惟潭復遣官目黎早用等從安邦浮海來廣西請罪求納款左江道副使楊寅秋奉檄令龍州求莫敬用等居地云敬恭居海東敬璋居安樂已敬恭願徙高平

八月辛丑朔固原地震

前巡撫浙江常居敬緣事閑住日者以給事中勘河失護祖陵故也



虜把兒謀犯遼東搃兵董一元出塞擊斬百十九級
壬寅司業葉向高為右春坊右中允兼編脩纂脩正史
故遼東游擊史儒贈都督僉事立祠子鳳襲正千戶
癸卯太僕少卿王士性為南鴻臚寺卿


甲辰勘河工科左給事中張企程言隆慶末高寶淮揚告急
當事狃于目前清口既淤又築高堰堤張福以束之障全淮
以角黃舉七十二溪之水滙于泗者僅口數丈出之出之十
一瀦之十九河身日高安得不倒溢以灌泗乎今高堰費鉅
未可議廢且屏高寶淮揚亦不可少周家橋北去高堰五十

里其支河接草子湖若浚三十餘里一自金家河入芒稻河
注之江一自嬰溝入廣洋湖達之海則淮水泄矣武家墩南
距高堰十五里偪永濟河引水自密灣閘口出直達涇河自
射陽湖入海則淮之下流有歸此急救祖陵之議也

乙巳署翰林院事余繼登奏以纂脩正史請併採家乘鄉評
報可

副搃兵劉綬為搃兵官鎮守臨洮

己酉南左春坊左庶子兼侍讀馮夢禎為南祭酒大理左少
卿荊州土為右僉都御史巡撫河南



辛亥分守四川松潘副總兵萬鏊為總兵官鎮守四川

丙辰御史馬經綸以萬壽節乞臨朝賀不報

虜犯寧塞深入二百餘里飽掠去之

壬戌南司業李道統為左春坊左中允署司業

浙江金盤衛守備獲烏舟乃琉球人失風者命歸之

癸亥固原游擊梁繼祖以虜犯西安州不戰戍邊

戎政右都御史沈思孝言孫丕揚庇屬負國史御馬經綸附

丕揚因乞休丕揚亦乞休不允

廣西招平叅將白斯清剿貴縣五山賊失利賊四掠左江道

副使楊寅秋設方略定之

乙丑祖陵積水落

戊辰宋金領錦衣衛事時衛闕二年有奇

永寧土婦奢世續奏臣子崇周嗣職從討楊應龍有功僕沙


白蠱毒死請以白就吏

九月庚午朔朝鮮國王李昖奏長子臨海君肆臨倭疾久次子

光海君瑋收集離散奉旨駐金慶道宜嗣禮部執不可至是

以舉國臣民啟上禮科薛三才駁其非制即世亂先有功俟

其國定議之報可



協守漳潮副總兵周于德為南右軍都督府僉書

免河南陳州等水災田租

辛未賑河南饑截漕八萬一千一百石銀二萬六千八百金有奇

誠意伯劉世延言大峪山壽宮非真龍通政使田蕙奏其妄言不報

乙亥四川左布政使余一魁為南太僕卿

癸酉御史牛應元請復建文年號下部議

甲戌占墾荒田地俱贖邊

丙子命京省各提學官採所部人物行實以備正史

丁丑報固原延綏將領巡邊斬虜九十餘級

南右都御史王樵致仕


罷臨洮副總兵設總兵鎮守轄河洮岷階

戊寅改折江西新建等縣田租

海虜永邵卜等犯甘肅叅將達雲游擊白澤等擊斬六百七十餘級

己卯南禮部尚書黃鳳翔不至

清河盱眙桃源高郵寶應興化以被水折徵田租二年



庚辰前協理戎政左都御史賈仁元卒予祭葬

壬午宣遠東搗巢之捷

乙酉毛德祖嗣南寧伯

詔復建文年號附 太祖高皇帝紀末禮部覆楊天民牛應

元奏曰 太祖元史可脩柰何失其寔于當代勝國之君可

謚柰何削其號于本朝景泰之位號可改柰何斬其名于建

文一時死事之臣尚可褒錫柰何遺棄其君而令湮沒于百

世之後建文位號在昔年原無降削之文及此纂脩之時于

高皇帝實錄中自洪年武三十二年至三十五年遺事復稱

建文元年二年三年四年存其紀耳輯少帝本紀示不滅沒

設遷曰建文復年而少帝實錄不聞就緒豈當時虛塗尺

一耶抑陳相國捐館後同正史佚之也泄之成風于史事

猶然况其他寔政乎


套虜犯延綏寧塞靖安官軍失利

戊子固原地震

庚寅鄭世子載堉好歷學以大統歷與授時歷攷古則氣差

三日推今則時差九刻于是融會二家著萬年歷上之禮部

覆奏元至元四年西域札馬魯丁撰進新歷即名萬年歷未



几授時歷成萬年歷廢不行歲差之法上古無聞始于晉洛
下閔唐虞喜元許衡郭守敬始以六十六年差一度考古則
百年減一推來每百年增一法號精密大統歷遵之如世子
所云則弦望各差一日似未至此議遂格


沈德符曰嘉靖二年華湘掌欽天監曾以歲差改歷為請
謂堯時冬至距今四千年已差五十度自元至元改辛巳
歷至今二百四十三年已差三度六十四分五十秒亦引
洪武間元統言為証則世子疏或未盡非也

辛卯西虜青把都兒部落伯顏兔報西虜在甘肅邊外三人

山謀入犯游擊葛賴等斬四十七級

壬辰編脩黃汝良為南司業

乙未提督川貴邢玠同川貴撫按譚尚思等奏楊應龍抗勅
并善後事宜命草應龍宣慰使銜子朝棟冠帶土舍可棟羈
重慶追四萬金贖罪先是玠檄應龍若來當待以不死否者
購若頭萬金宜早計吾不爾欺也又兵部尚書石星手示水
西宣慰使安疆臣趣應龍就吏得贖罪于是應龍上書言奏
民俟我出欲殺我乞遣使臨播州甘伏法玠許之以成都知
府臨海王士琦勸往于松坎面縛泣請罪獻逆黨黃元阿羔




阿苗等十二人于安穩輸餉四萬金

設遷曰楊氏當覆我師于白石罪不當貫即不欲重煩我
健兒曲示漢德柰何狗其飾說反就松坎而盟之乎如戒
飭奏民毋私仇楊氏必楊氏而縛于制置使前如王新建
釋田州盧蘇王受事猶薄乎云爾今大義責人而輕身先
于所往彼視我何等也要盟不信受侮小醜何俟日後而
悔之乎

丙申提督漕運褚鈇議導淮總理河道楊一魁議先分黃次
導淮御史牛應元議合行之又為祖陵計黃垌口決當制小

河林口淤當挑歸仁隄當培部覆從之括帑五十萬役江北
山東河南人二十萬分黃導淮自黃家嘴導河分趨至五港
灌口徑入海以殺黃勢毋盡入淮導淮則自清口關積沙數
十里又于高堰旁若周家橋武家墩稍引淮支流于湖為
豫浚入江入海路以岐泄之若山陽之涇河寶嬰溝子嬰溝
皆可達廟灣在鹽城則開石埭口以東開丁溪河入海鑿江
都盧家灣橫絕運鹽河入芒稻河涇達江其射陽淤河口祖
陵水漸退而水患息然淮寔以黃力分及淤河而出不以周
家橋通塞為增減異時潘尚書季馴所力持毋輕議高堰意



深遠矣

丁酉臨洮地震永寧堡墜

虜犯寧夏棗園堡官軍擊斬十九級

己亥冊使李宗誠報倭先後去候受封始盡兵部上冊封事
宜禁冗役禁訛言禁妄報禁啟衅報可

兵部覆邢玠勘播州事以楊應龍就勘其黃平通判又卹七姓奏民又
慶重安五司舊隸播州乞改隸黃平通判又卹七姓奏民又
增設安邊府以重慶捕盜通判改撫夷同知移駐松山北松
坎南播州土同知羅時豐避應龍于貴竹土司今宜歸里移

安溪巡檢司為松坎巡檢司 上從之

十月辛丑虜炒忽兒沙計等犯常樂堡官軍擊斬百二十餘級

壬寅吏部郎中王守素為南太僕卿

癸卯江南長洲等十八州縣折徵水災田租


工部乞停山西潞絀不允

甲辰蠲蘇松常等鹽課

右軍都督府火

丙午蠲江南江北州縣被災逋租

戊申宣延綏之捷



南御史陳烽上勘河條議云周家橋若開則高郵寶應邵伯
為壑宜疏興化鹽城支河分之出海令高郵寶應之水次第
東行而周橋武墩之水可歸章下所司

陝西右布政使楊時寧為右僉都御史巡撫貴州

己酉南吏部右侍郎曾朝節為禮部尚書協理詹事府為正
吏副總裁編脩楊道賓纂脩正史

折浙江歸安烏程長興德清田租之半

辛亥南戶部右侍郎周思敬為戶部右侍郎

叙延綏功進提督葉益熊太子少保巡撫李春光右副都御

史都督麻貴再廢百戶前廢正千戶俱世襲

壬子祭故右諭德吳中行

甲寅前日講官吏部左侍郎兼侍讀學士盛訥卒字 潼

閔衛人隆慶辛未進士


己未套虜卜失兔等糾大虜寇延綏深入八日殺掠亡美

鎮守雲南提兵官黔國公沐昌祚疾致仕子獻鎮守雲南

壬戌遼東副提兵劉敏寬硯虜永瓦等入犯伏待之大破于

爾朶峽斬六百八十餘級

甲子叙甘州功進前提督葉夢熊太子太保田樂兵部左侍



郎詹錦衣衛百戶

乙丑進趙志舉少保兵部尚書太子太保陳于陞沈一
張位
賈各太子少保並賜金幣

戊辰太原地震

十一月己巳朔免湖廣江西河工折米

辛未秦王誼濂請如周晉二王增給引益命以本色給之
時議分黃水淮安知府馬化縣言分黃五難摠河褚鈇上之
給事中林巡春請分黃導淮工部覆開腰鋪支河從之
甲戌吏部尚書孫丕揚稱疾甚右侍郎孫繼皋攝事


丙子浙江嘉興秀水地震

丁丑工部員外郎樂元聲言蔣時馨以貪斥御史強思給事
中黃運泰祝世祿等曲庇之遂波及沈思孝江東之等言官
攻言官大臣攻大臣不若俱罷之

戊寅貴州摠兵官都督同知李如柏為征西將軍摠兵官鎮
寧寧夏

兵部尚書石星辭少保

癸未前未前南禮部尚書王弘誨起舊任太子少保南兵部
尚書楊成兼南右都御史巡撫湖廣郭惟賢為左僉都御史



回院

四川松潘副總兵沈尚文為署都督僉事總兵官鎮守貴州

丁亥御史袁九臯請檢發章奏速補大僚不報

甲午巡撫山西魏允貞終養

丙午巡撫延綏李春先為戶部左侍郎巡撫寧夏周光錫為

大理卿湖廣左布政使李得陽為右僉都御史巡撫湖廣

丁酉 嘉定地震如雷

十二月己亥朔山東布政司左叅政余寅致仕加太常少卿
追封弼楹會寧王從其子會寧王縉剿之請

庚子考選軍政左軍都督府僉書署都督僉事歐繼宗後軍
都督府武安侯鄭惟忠等閑住

甲辰總督那珅進右都御史

乙巳增設河會守備築堡寘戍拒套虜于河上

戊申鎮番副總兵馬應龍甘州副總兵何崇德俱加署都督

僉事

己酉勅魏國公徐弘基奉祀孝陵


前巡撫貴州彭富卒予祭葬

緬甸莽應禮前託孟民二土司求款且致方物命材官黎宗

國權

萬曆二十三年

二十七




桂等以金幣往至境不受禮部謂據土司轉申黎宗桂傳說
于莽應禮無據遂不問

朱國楨曰西南夷探引土番盤山襟海其人巢居穴處自
相君長前朝不聞用兵我明開設雲南比于中夏諸夷接
壤不為不為招撫為我外藩夷性無常好殺喜鬪不得不
用兵以張捷伐黔公威之于先正統中先後征討歷十年
糜費財力分茅不為無功拓地竟成烏有猛密勘處大致
紛紜緬人其始甚微久乃滋橫離合進退梗且百年夫以
歷朝布置方略悉本省兵力以夷攻夷似非難事而蠹起

侵漁習成虛冒請餉與請兵以無時羽書共捷書而兼上
任非一人每有投荒傳舍之憾報稱萬里不免臨渴掘井
之憂迄于今鳳氏小醜直叩省城安民震隣几搖全省患
不在外而在內爰予殆哉


辛亥錦衣衛中所副千戶霍文炳未奏陞輒署指揮僉事
上以擅濫奪兵部尚書石星俸二月郎中韓范謫太和典史
負外郎曹偉芳謫賓州判官兵科都給事中劉仕瞻謫漳州
府知事

甲寅右軍都督府恭順侯吳繼爵中軍都督府崇信伯費甲



金南中軍都督僉事周于德錦衣衛指揮僉事李元珍東司
理刑千戶王偉鎮守大同總兵官李東陽等各劾等元珍偉
削籍甲金隱罪閹客用寄貲追入之仍奪祿三之二
兵部推寧夏侯宋世恩安遠侯柳懋勳掌南後府 上謂世
恩屢被劾遂調兵部司務 于外御史區大倫工科右給
事中張同德削籍竟用柳懋勳
乙卯巡城御史夏之臣謫海澄典史朱鳳翔謫電白典史涂
喬遷謫新會典史時偕行謫合浦典史楊述中謫太和典史
已未京師賑粥

庚申 上以霍文炳切責兩京都給事中署道御史各鑄三
級謫外兵科都給事中吳文梓謫崇善典史河南道御史俞
价謫兩淮鹽知事四川道御史謫長蘆鹽知事兵部主事江
信中謫葭州判官程僖謫雅州判官陳楚產謫鬱林判司官
務錢銑胡士奇謫慈利仙游訓導霍文炳司禮太監張誠蒼
頭也怙勢冒秩命籍其家并張誠没入之誠兼東廠內官監
印弟勲私娶武清侯李氏所任內官蕭玉王忠俱焚肆 上
斥誠命田義領司禮監孫暹總督東廠其張誠張楨及張勲
張紹寧等霍文炳文燦及王玉錢恩李承德李輔耿遜馬義



王用馬章蕭玉王忠段秉忠張懋忠霍朝王詔喬進金忠各
籍其家誠謫南苑淨軍勲文炳及內官張楨等十餘人論死
後錢恩張勲蕭玉王忠伏誅

巡撫貴州楊時寧改巡撫寧夏

壬戌刑部浙江司郎中徐惟藩以前訊費甲金之事降雨浙
鹽運司判官


癸亥鳳陽皇陵火延藝松柏官署

刑科左給事中徐成楚言今年七月八日報倭歸六萬八千
餘人今又閱月倭衆當盡李宗城尚何所忌而不行耶宜責

宗城確奏一涉欺妄責有所歸章下所司

甲子陝西地震如雷

乙丑時謫科道三十四人部曹九人閣臣疏救謫臣不報



國權

萬歷二十四年丙申

正月戊辰朔 上不朝

辛未巡撫應天朱鴻謨等奪俸有差以輸幣不堪也

前提督兵部尚書魏學曾平安徽涇陽人嘉靖癸丑進士

癸酉先是東虜伯彥罕等期正月犯河東刑科左給事中徐

成楚乞預備報可

後軍都督府僉書懷寧侯孫承恩領右軍都督府


國權

萬歷二十四年

一

國家圖書館, NATIONAL CENTRAL LIBRARY, TAIWAN, R.O.C.

監官設遷孺木著



大學士陳于陞沈一貫各疏乞宥謫臣不報

丁丑給事中耿隨龍鄒廷彥黃運泰黎道炤孫羽侯毛一公
伍文煥費必興盧大中御史李宗延姚三讓王慎德薛繼茂
馮從吾顧際明袁可立蔡才吳禮嘉王有功李本固柳佐聶
應科李文熙俱削籍以霍文炳事不糾也吏部尚書孫丕揚
左都御史衷貞吉等各疏救不聽

戊寅紹興金華衢州南糧自今年改折戶部恐倉糧不繼命
改折五年仍徵本色

己卯神樞營右副將署都督僉事任自強為總兵官鎮守居

庸昌平


庚辰兵部狗例請考察京營將領從之命三月司禮太監田

義閱視團營

鳳陽守備太監杜用免

甲申署兵科給事中徐成楚言沈惟敬市井無賴不可信乞
勅冊使李宗城等實報否則臣以白簡繩其後事下兵部


吏科給事中張正學言昨遼撫李化龍云清正未行或報懼
誅阻封或報留迎冊使據沈惟敬云擇十二月六日隨冊使
渡海又云若風不利則擇十六日語涉支吾臣俱未信兵部



言冊使並渡海至日本南滿嗒平稠信以二百艘先後至釜
山相迎又閔白傳清正回巢請貢李宗城馳報從之
伏羗伯李承功為後軍都督府僉書
夜月犯土星在張宿
丁亥吏部右侍郎孫繼皋為左侍郎戶部左侍郎裴應章為
吏部右侍郎大理左少卿江東之為右僉都御史巡撫貴州
山東右布政使劉奎為右僉都御史巡撫延綏
安鄉伯張世恩領南左軍都督府
己丑御史馬經綸言奏 皇上近來厭惡言官動責以眩擾

忽又以箝口責之臣竊見言官之箝口者有五罪焉 皇上
不郊享言官不爭罪一 皇上不廟祀言官不諫罪二 皇
上輟朝講言官不陳罪三 皇上任賢不篤去邪不決言官
不能救罪四 皇上好貨嚴御言官不能止罪五 上怒不
報論吏部降二級調外毋推用

御史周家棟請御朝祭曰大祀文臣五品以上武臣四品以
上及都給事中皆陪昨孟秋陪祭自輔臣下十數人豈所以
尊宗廟乎令甲侍衛會極等門各列直午門旗尉五百人餘
銅牌之屬不預馬臣巡視時見兵衛不能餬口解銅牌市酒



細民闖入禁地是豈所以尊朝廷乎 皇上靜攝臣下 俱錄

泄、合宜亟申飭邸報非兵科發抄毋流布部覆如議

庚寅工科都給事中林熙春等疏救馬經綸謫熙春茶陵州

判官經綸東鄉典史

御史鹿久徵等疏救謫臣降久徵澤州判官餘奪歲俸

前陝西總兵官署都督僉事張綱為神机營右副將

夜月掩心宿大星

甲午編脩方從哲為司業

吉王翊鑾請以庶長子龍陽王常淳進封世子其次子常汝

常激例鎮國將軍為乞郡爵 上特許之不為例

二月庚子兵部左侍郎李楨左副都御史張養蒙清理軍政貼

黃祭酒楊起元為南禮部右侍郎光祿寺署正改用科目

壬寅禮部尚書范謙請 皇長子冠禮報聞先禮科給事中

楊天民言之不聽

癸卯賑白河平利洵陽興安飢


甲辰予故武靖伯趙光遠故刑部左侍郎邵陞祭葬

夜月犯畢宿

丙午順天府尹錢藻卒

國權 萬曆二十四年

四



丁未安南黎維潭復使至言款事如約

戊申西虜卜失兔謀入寇巡撫李春先搃兵麻貴等分三道
出塞搗其巢擊斬四百九級初西寧孤旦山南控扼青海國
初設安定罕東曲先打斤家世四衛以撫降羗正德套虜亦
不刺闌入殘四衛嘉靖末俺荅南牧萬歷六年寄徑迎佛于
海南立海華寺而永邵卜遂負海稱雄火落赤等並渡河南
牧兩河東西皆虜經略鄭洛斷其市道焚其寺而永邵卜仍
挾市內窺至是始靖

己酉署兵科給事中徐成楚言聞閩白閉塞海口不通一楫

或云行長羈留冊使要求五事乞勅沿海兵備一意主戰章
下兵部李宗城報倭情無恙乞護軍餉且展限上許之

夜 鄂縣大雷雨尋光十餘里金木星相犯于奎宿


虜自鴨子野狐橋入犯官軍拒卻之

庚戌南御史林培言三事審好尚辨忠邪節採織 上怒不
發明日謂借言黨救謫福建鹽知事

辛亥江南大水高淳命折徵三年

霍文炳在逃獲之下鎮撫司獄

癸丑叙西寧功李汶進兵部尚書兼左副都御史蔭錦衣副



千戶石星進少保餘有差

王允忠嗣成山伯 應龍之子

甲寅兵部請科臣往勘東封從之

乙卯脩延禧宮夜延安舊安堡邊營佛郎机上有光二更熄

丁巳 海寧縣海塘成

戊午刑部郎中王金貞星降六安州同知

己未光祿卿田疇為順天府尹


庚申經略孫鏞巡撫李化龍奏冊使李宗城等入營兩月餘
卒無定說可疑一小西飛丁寧約束悉已面承今又沈惟敬

先渡海講款可疑二朝鮮日本向通使命今必我使臣挈往
可疑三乞留宗城等駐釜山毋輕渡海或耳目非是即繫彼
違非我失信章下所司

癸未安南黎維潭遣人來言款儀未備且莫氏仇也棲之高
平不敢聞命遂遁已遣鄭公義來云食竭苦瘴疾請俟他日
三月戊辰朔巡漕御史况上進言今日清口積砂亟當闢從之

庚午趙志臯從一品三年考滿進少傅兼太子太傅建極殿
大學士履尚寶司丞

癸酉陝西官軍擊虜于沙嘴斬二十二級



閣臣乞行取外官補科道報聞

乙亥戌刻坤寧宮災延燒乾清宮 上時居養心殿籲禱甚切 皇長子入侍 上攜手曰吾不德至此爾有福為予拜禱自後不復召

戊寅告災郊廟諭脩省

巡撫陝西劉光國以擅虜市劾免

工部請停陶器織幣以備大工不許

辛巳沈舟聞外虜掠番又欲內犯臨洮提兵劉綎出擊至莽刺川斬百三十六級獲畜產二萬餘

丙戌夜順天董家口二營旗端有火光作聲

己丑賑廣西恭城平樂等三十二州縣飢免租

庚寅戶部主事王紹先降代州同知

壬辰以兩宮災詔天下

甲午趙志臯以給事中劉道亨劾其貪黷乞免不許


四月丁酉朔工部議大工曰徵逋負曰協濟曰開事例曰鑄錢曰查庫料曰分工曰採木川貴湖廣曰木石曰車戶曰燒磚曰發見錢曰夫匠曰明職掌曰舖戶曰會估各從之

己亥 林縣雪

國權

萬曆二十四年

七



辛丑趙祖廕嗣靖遠伯 光遠之子

甲辰留漕米十萬石鹽課五萬金濟河工

乙巳南右通政李植為光祿卿

丁未定大同編徭行條鞭法

甲寅旌魯府富平王壽鏞孝行

山東博平訓導孫顯吉以倭功陞州同知

乙卯兵部報沈惟敬營于二月四日同行長總謝隆報閩白渡海與冊使不和

移住南村崖而沈惟敬營于總謝隆報閩白共二十萬謀入

犯李宗城于四月三日夜離釜山因議邊備又云宗城走慶

尚抵王京惟敬被執巡按山東御史李思孝上之

戊午廣州海防游擊彭信古賂總督陳大科千金被發執訊

乙丑冊使楊方亨報正使李宗城雖逃倭情未改兵部乞以

所封勅印即授方亨有旨逮李宗城選科臣同楊方亨往封

總督京營臨淮侯李言恭免

五月丁卯河道御史周孔教論石星誤國并及趙志舉命廷議

封常瀛衛王翊鉉新樂王萬勻新寧王常汝德化王常激福


清王常濫穀城王新涯寧河王英燧東安王肅漢保寧王肅

潯遂寧王朝陞海陽王

國權

萬歷二十四年

八



吏科右給事中葉繼美論石星不報

林縣大雨雹壞人畜

已巳 上欲遣科臣蒞封閣議改楊方亨沈惟敬 上諭內

閣曰南北諸臣詆封事者十七人今遣科臣且封且勘也

庚午趙志皋等言臣等任事數人耳故言封少他皆旁觀論
事故易石星言使琉球用文臣封虜用武弁果閔白欲封遣
楊方亨甚近若遣科臣旬日始出即兼程須兩月遂改方亨
惟敬方正副

巡按直隸御史曹學程言改封使非是本兵敗矯必狡倭計

陷我據李宗城密揭云閔白執沈惟敬脅七事原不為封夫
倭狡甚得封不已必求貢必求市必求婚必朝鮮納賦必割
地必席卷朝鮮東渡以危薊遼未責趙志皋 上怒其轉激
遣科下學程錦衣獄

甲戌諭吏部即推科臣一

乙亥吏科左給事中葉繼美等上章引咎 上謂其抗違避

難繼美王佐削籍劉道亨等奪歲俸并奪禮兵部堂上官俸


四月司官蔡宗明賈維鑰等又朱長春樂元聲亦削籍

豐城侯李環領南中軍都督府

國權

萬曆二十四年

九




虜犯固原永安堡守備李如圭防守党師尉失利下臺獄
癸酉戎政右都御史沈思孝請亟脩戰守博採謀畫科臣不
必遣

丙子會議東事言調兵集餉不一沈思孝獨責石星謂禮部
尚書范謙佐之謙曰訛言遠在數千里公能知其必壞乎思
孝曰冊使潛迹損威辱國釀禍已極尚附和邪臣誤國乎謙
失色而退兵部退侍郎李楨會衆議上之 上諭封事成否
亡論止有戰守薊遼總督巡撫等官可整師守隘協練朝鮮
其天津登萊浙直閩廣各督撫將吏通飭守禦又薊遼總督

即檄朝鮮厚積芻糧待援

于慎行曰閔白封貢之議一時臺諫部司上疏力諫月無
虛牘爭之誠是也然昔皆揣摩情形泛論事理至于日本
沿革絕不考究有謂祖訓絕其封貢二百年來不相通者
覽之為失笑日本在洪武初年雖絕其貢至永樂以來即
以金印誥書封其國王每朝易位輒賜日字勘合若干號
六年一貢費勘合而至人無貨物皆有定數嘉靖二十九
年入貢以後始不來耳柰何謂二百年不許通貢又倭中
自有國王州郡官長類如朝鮮可考知亦不問其巔末而




從一二舶商之言所指地方官職皆以洪荒創造未經締
構尤可笑也四夷封略在禮部封司大司馬石公徒欲取
效目前不暇深考竟不知日本為何國閩白為若何人盈
庭之言皆如吟藝以此禦難何以為國可仰屋竊歎者矣
丁丑增各省直協濟大臣銀有差
戊寅石星再請解部事身往朝鮮議東封戰守如未允求斥
上不許

庚辰閣部大臣各疏救葉繼美等 上于禮部尚書范謙疏
切責其違旨司官周家賓等司務徐文斗等俱削籍毋推用
吏部言謫臣如教習駙馬萬建崑賴克峻命往山海關張時
顯并署員外郎張日新主事湯東埜朱誥俱先遣外似難並
降遂宥建崑等奪歲俸
夜直隸撫寧隕星為石

辛巳兵部報閩白怨清正阻封今盡撤清正等渡海責行長
正成治舟館穀天使已焚各營今沈惟敬住護屋為日本要
地則倭情無變命補給誥勅冠服
吏部以東事告急嚮爵開事例從之

癸未楊方亨報朝鮮護軍黃慎見住釜山問慰及臣又沈惟



敬報自桐馬至南皮烏館穀甚厚云李宗城住慶州
江西彭澤諸生萬事仁上所著資易太平書

丁亥松虜復據芥刺川掠番人犯內地官軍禦卻之

辛卯總督葉夢熊子襲錦衣衛千戶仍加指揮同知總督

李汝子國楨襲錦衣衛左所副千戶

定海衛鎮遠樓災

六月戊戌通政使田蕙奏楊應龍遣人楊鰲餽萬金下鰲法司
套虜吉能謀入寇巡撫李春先總兵麻貴擊檄之叅將杜松
出清平斬十五級計松虜以我小捷必弛備復令部將李義

等出波羅堡乘虜後夜襲斬四十五級

辛丑南兵部主事趙學仕侵帑降饒州通判

壬寅司禮太監田義乞簡發內外章奏

甲辰增天津路總兵


許閣部等捐俸助大工

丁未司禮太監田義乞寬宮人內官刑罰不報

庚戌賑福漳泉興化水災

巡撫大同梅國楨進右副都御史

辛亥前詹事府兼侍讀學士劉虞夔卒字



隆慶辛巳進士授

歷今官

予祭葬

壬子予故廣西總兵呼良朋祭葬

癸丑設山東青州顏神鎮捕盜同知給閔防

甲寅工部左侍郎徐作提督大工

丁巳前總督倉場戶部尚書耿定向卒字在倫湖廣麻城人

嘉靖丙辰進士授行人進雲南道御史數言事巡按甘肅視

南畿學政並有聲進大理寺丞忤高拱謫橫州判官量移衢

州推官萬歷初自工部主事進尚書丞累遷右僉都御史憂

去起補福建又憂去起左僉都御史歷南京右都御史掌戶

部好講學其說主王氏所著書甚富予祭葬贈太子少保謚

恭簡

庚申免泗州盱眙田租

府軍前衛副千戶仲春請開銀礦助大工從之下戶部命戶

部錦衣衛各一同仲春開採戶科給事中程紹工科給事工

楊應文各疏諫不聽紹曰嘉靖二十五年七月命採礦自十


年至三十六年委官四十餘人防兵千一百八十人廩器鉛

炭共三萬餘金才得二萬八千五百餘金所得不償費

國權

萬歷二十四年

十三



虜自洮河口犯洮岷叅將孫尚賢拒卻之斬十八級

壬戌戎政右都御史沈思孝上五事久任將領教練標兵舉用豪傑增補馬匹繕脩戰具從之

七月丁卯吏部請發推補章奏不報

錦衣衛百戶陸松鴻臚寺隨堂官許龍等順天府教授馮時行等經歷趙鳳華等各言開採助大工從之自開採一倡廢弁白望獻諛日至

命戶部郎中戴紹科錦衣衛

往河南開礦


下南兵部主事趙學仕戶部主事褚用賢于獄俱貪墨敗先

是工部侍郎周思敬所緝初擬成後改擬外調至是御史朱吾弼申劾因及尚書趙參魯失出趙志臯曲庇故有是命命戶部于真定保定薊易永平開礦詹事府錄事曾長慶奏開夏縣礦從之

己巳刑科都給事中侯廷佩請弛獄釋曹學臣不報

松虜犯寧夏都指揮僉事劉繼爵坐視不出副總兵馬孔英來保拒卻之繼爵免

吏部文選郎中唐伯元言數月以來章奏留中臺省郎署方面赴京候補動至經年內外官俸大率踰期不遷誠臣擬議



不當乞賜罷斥不報

庚午尚寶司卿徐璞致仕

壬申御史劉景長監督工程

癸酉楊方亨報六月望日渡海東封

戶部尚書楊俊民言真定保定薊易永平開礦恐妨天壽脉

上謂距陵遠且皇祖嘗開之毋借阻

甲戌兵部乞禁訛言從之

丙子浙西河水忽涌起三尺餘

丁丑仁聖皇太后不豫

昏刻東南白氣貫月夜月犯南斗 二星彗見西北如彈

丸蒼白色芒指東南入翼宿長尺餘行入西北

戊寅仁聖懿安康豫皇太后崩遺詔曰予以非德配 穆

宗莊皇帝于潛邸者九年比即位初元升儷宸極母儀天下


者六年不幸昭陵上賓予芘在疚歷今皇帝光緒歷服

純孝天至屢薦徽稱聿隆敬養者又二十四年于茲尊榮祉

福亦既備侈頃當寢疾危懼皇帝躬省藥膳叩禱神祇尤竭

虔悃茲得永終天年復侍先帝左右夫復何憾惟念皇帝

負荷祖宗鴻業艱鉅專勞萬幾為重不得過于哀戚云云



甲申特命太常寺少卿鄭繼之為右通政左庶子李庭机為

祭酒

乙酉承運庫太監王彪戶部郎中戴紹科錦衣衛僉書張懋忠開礦于真定保定永平薊易

丙戌錦衣衛鎮撫司僉書楊宗吾開礦河南

己丑巡撫大同李願請止陵京採礦不報

壬辰兵部給閔白誥勅報七月八日抵釜山

廣東大旱

八月丙申朔錦衣衛百戶吳應麒請山西夏縣開礦府軍後衛

揮某招礦盜開採仍議編富民為礦頭太監王彪亦言之

留守後衛百戶王守仁訐奏故祖王弼為國初功臣封定遠

侯長女為楚王元妃弼子幼遺貨寄楚府賜田八十六處赤

金六萬八千銀二百五十餘萬珠寶無算傳至王錦沒

其寄銀其田利積可八百餘萬乞追助大工下部議

壬子江西萍鄉人羅正彝上所輯帝範錄二部

丙午四川雜谷知縣安撫司土夷請秦李冰漢姜維唐李德


裕祠額賜曰靈祐

丁巳順天府通州城成

國權

萬曆二十四年

十六



已未 總兵官麻貴罷

壬戌河內天鳴星隕常平鎮膚黑中白柘城柳樹生人像方
操兵狐突出不見

大學士張位乞罷不許時吏部尚書孫丕揚乞休疏二十位
擬放而丕揚寔無去意故銜之

癸丑孫丕揚言權臣坐謀鷹犬效力義難再留乞速放避螫
以閣臣張位黨丁此呂及戎政右都御史沈思孝御史周孔
教給道事申劉道亨也 上切責之閣臣陳于陞沈一貫代
位辨 上責丕揚無大臣體次日丕揚請告有旨宜協恭和

衷毋相牴牾


甲子蕭如薰為左軍都督府僉書

勅兵部方侍郎李楨筦兩宮大工班軍

靈著產于項城有異雲覆之

閏八月乙丑朔巳刻日食

太監陳增同府軍衛指揮曾守約開青沂棲霞招遠等礦時
錦衣衛百戶江文通言沂州礦指揮郝承爵言費縣礦指揮
劉鑑言棲霞招遠等礦指揮馬清言大登縣礦千戶趙良將
言沂水蒙陰臨朐礦



丁卯西虜青台吉犯甘肅羊營堡官兵拒卻之

吏部尚書孫丕揚罷初丕揚道值張位抗輿位不拱遂隙
于慎行曰丕揚清謹品也平生建樹表儀取信海內及掌
天曹甚副人望而一二舉動頗失大體如以訪單揭帖按
丁此呂之贓罷免其官此未為過及見丁黨衣攻急于自
白遂揭帖進呈以明不妄而揭帖所開贓至數萬至激聖
怒丁適成江左之士群然交攻而孫不能安其位矣以揭
帖察吏已失公平至于私揭呈覽尤非體例且揭中贓至
數萬如果得寔豈止罷官是自寔其縱也

九月丁酉前南兵部尚書楊成致仕

戊戌河工成總理河道楊一魁總督漕運褚鈇等陞賞有差
太常卿鍾化民為右僉都御史巡撫河南起顧養謙右都御
史兼兵部右侍郎協理京營
己亥巡撫山西魏允貞乞停採礦不報

改景東衛儒學屬景東府

庚子火落赤入犯平虜營官兵拒卻之斬二百七十五級


甲辰慶成王府宗室新鑿有罪廢為庶人

丙午伏羗伯毛國輔卒

國權

萬曆二十四年

大



免直隸長垣縣秋糧

戊申 孝安皇后梓宮發梓引 上疾不出閣臣言勉之不聽

太監王虎論保定巡撫李盛春阻撓開採 上切責盛春

庚戌徵士周天球卒字公瑕江南太倉人諸生工于詩翰在

世宗時嘗徵入有隱操亡子

辛亥報虜入寧夏奮威堡官軍擊斬二百二十六級

壬子勅旌韓王朗琦賢孝

前鴻臚寺主簿張以述獻白鹿

癸丑虜犯薊鎮石塘路官兵拒卻之

福建惠安縣地大震

十月丙寅太白晝見

庚午免陝西秦州秦安會寧等逋租

辛未刑部尚書蕭大亨請釋曹學程 上怒其抗違論死


壬申贈舒化太子少保

御史蔣春芳上河工善後事宜

丙子諭暫停刑

丁丑刑科都給事中侯廷佩等乞推廣停刑普及天下不報

戊寅左副都御史張養蒙奏今日三輕二重部院之體漸輕



科道之職漸輕撫按之任漸輕進獻之塗漸重內差之勢漸重疏上不報

已卯折徵杭嘉湖水災秋糧

遼東總兵官董一元劾免

庚辰詹事余繼登為禮部右侍郎

辛巳甘肅番僧着爾刺麻卜宛等請立寺望口鐸尖堡塞外許之

壬午山東曲阜知縣孔貞教有罪免命于本縣科貢選補右都御史徐作提督乾清坤寧兩宮工程

西虜火落赤突犯松潘攻漳臘堡守將張良賢等擊敗之斬百十五級退屯阿土嶺時購擒火落赤許世爵

癸未薊鎮總兵都督同知為平羗將軍鎮守遼東

薊鎮報羅文峪敗虜斬四十九級

丁亥免山西扶溝等州縣災租

已丑總兵尤繼先為鎮守薊州永平兼備倭總兵官

壬辰象房倉災

十一月戊戌免河間等府水災田租

已亥許烏撒土官安效良世襲知府暫全祿墨妻安氏仍舊

